

Hozdung Baijok Gvangjsih Dwzbauj Byaij Haeuj Guekgya Minzveij Youq Bwzgingh Guh

8 nyied 18 hauh daengz 21 hauh, “dwzcanj henzguck gai daengx guck” —aen hozdung baijok Gvangjsih Dwzbauj byaij haeuj Guekgya Minzveij youq Bwzgingh guh, hozdung aeu “dinghdiemj bangfuz giet mak lai,” Dwzbauj huq ndei haeuj gingsingz” guh cawjdaez. Mbat hozdung neix youz Guekgya Minzveij Gungdungz Fazcanj Swi, Gihgvanh Fuzvu Giz cijdauj, Gvangjsih Minzcunghveij cawjbanh, Cunghung Dwzbauj Yen Veijyenzei, Dwzbauj Yen Yinzminz Cwngfuj ciepbanh, doenggvaq gwnzmuengx yienhsaed lienndoengh, daiq gij dwzcanj ndei Dwzbauj Yen Guekgya Minzveij dinghdiemj bangfuz haenx daengz Bwzgingh bae, aeu siuhfei bangfuz coenghrenez Dwzbauj ginghci hwngfat.

Dwzbauj Yen genj aeu 5 aen

giyez maenhndei, daiq 20 lai cungj doxgaiq reihnaz miz daegsaek ndei caeuq 10 lai cungj doxgaiq feihyiz fwnzgguh minzczuz haenx daengz gingsingz baijok. Yienhciengz laeb diegbaij dwzcanj reihnaz、doxgaiq fwnzgguh minzczuz、doxgaiq ndawbiengz gaicawx miz minzczuz daegsaek、doigawj vwnzva lijyouz haj aen dieg, supyinx vunlai daeuj yawj. Bwzyanghgoj、hojlungzgoj baenz gij canjbij “mingzsingh”, sanhcah、manghgoj, doengzyiengh gig miz yinxdaez. Yienzndokmax、lamz-ganjmeg、ndangdaenj Bouxcuengh、doxgaiq vwnzva maxdaemq Dwzbauj daengj doxgaiq langhbaij yienh’ok le gij doxgaiq miz daegsaek caeuq yinxdaez minzczuz vwnzva Dwzbauj Yen.

Baengh aen bingzdaiz Guekgya

Minzveij, Dwzbauj Yen ndaej doidoengh “dwzcanj henzguck gai daengx guck”. Yienghneix mboujdan haigvangq le diuz roen gai gij doxgaiq miz daegsaek, mizyauq doigawj le gij doxgaiq reihnaz miz daegsaek caeuq gij swhyenz vwnzva lijyouz dangdieg, engq coicaenh le gak minzczuz “sam gyau”, vih vwnzva canjnieb mwnhoengh caeuq lajmbanj saenqhwngh dwk haeuj rengzdoengh haenqrem.

Daj 1989 nienz hwnj, Guekgya Minzveij doiq Dwzbauj Yen caenh cingz bangfuz gaenq byaij gvaq 36 bi. Itcig gaemguenj aen yenzcwz “gij aeyungh Dwzbauj, gij naengzlig minzveij”, Guekgya Minzveij youq ngaenz caeuq hanghmoeg fuengmienh lienzdaemh cihciz, doidoengh Dwzbauj ginghci sevei riengjivaiq

hwngfat, yienghsiengq hawsingz lajmbanj moq caez, gak cuz ginzcung ndwenngoenz hwngfwdfwd. Daegbied dwg “Cibsei q Haj” doxdaeuj, Guekgya Minzveij gungh lozsiz ngaenz bangfuz 7894 fanh maenz, saedhengz 48 aen hanghmoeg, youq cwngcwz hezdiuz、daegsaek canjnieb、seiqlhenz vunz youq、gihcuj sezsih、minzczuz vwnzva cienzciep、vunzcaiz beizyin、meizdij senhconz daengj fuengmienh daezhawj haenqrengh cihciz, coicaenh Dwzbauj ginghci sevei bonghhamj baenaj. Neix mboujdan mizyauq gyamaenh haigvangq le gij cwngzgoj duetgungz, coicaenh le lajmbanj saenqhwngh, engq youq gwnz dieg Dwzbauj sij le bien sengdoengh couqmaenh gij eiqsik Cunghvaz Minzczuz ranz vunz ndeu.

(Cwnz Siubeih/岑秀杯)



▲ Nanzningz Siveij Senhconzbu、Si Gyauyuzgiz、Ginzung Yisuzgvanj habciengq 《Cam Sienghyangh》. Fangzcwngzgangj Yungzmeizdij Cungsimeij hawj doz

Gaiq Daihcibsam Gvangjsih Gih-cwngz Ginzcung Comz Yienjheiq Youq Fangzcwngzgangj Guh

8 nyied 15 hauh daengz 20 hauh, gaiq daihcibsam Gvangjsih gihcwngz ginzcung comz yienjheiq youq Fangzcwngzgangj guh. Gaiq yienjheiq neix youz Swigih Dangjveij Senhconzbu、Swigih Vwnzva Caeuq Lijyouz Dingh、Fangzcwngzgangj Siveij、Sicwngfuj doengzcae z cawjbanh, laeb habciengq、yozgi、heiq sam aen loihbied, daengx gih 18 aen daibyauidi gungh miz 145 aen cezmu z, 2700 lai boux bouxyienj doxcomz yienjheiq. Fangzcwngzgangj Si doenggvaq baez yienjheiq neix coh daengx gih caeuq daengx guck yienh’ok gij cwngzgoj baujhoh caeuq hwngfat minzczuz vwnzva.

(Cinz Veijcaiz/陈伟才)

Yinhcwngz Senhconz Fuengz-re Binglah Nyungz Ndat

8 nyied 21 hauh, Yinhcwngz Yen Bouqsaw Sinhvaz cujcziz siuhagseng guh hozdung senhconz “moix singhgiz daih baetsauq, lizgyae binglah nyungz ndat”. Hozdung ndawde, gunghcoz yinzyenz ganggej gij fungyiemj cienzboq Dwnghgwzyez、Gihgunjgwnjyayez daengj binglah nyungz ndat hawj gyoengq hagseng, son gyoengqde fuengz nyungz cawz nyungz, cukmaenh fuengzsiengq ndangcangq.

(Fanz Saugvanh/樊绍光)



▲ Boux gunghcoz yinzyenz son gyoengq hagseng fuengz nyungz.



▲ Doxdax cingjleix aen congz bouqlaeuj yienhciengz. Maj Yungjsiengz ingj

Cungzcoj Si Guh 2025 Nienz Cungguck Yeznanz Doxdax Dinfwnghz Vwnzva Lijyouz Gijgwn Ndei

8 nyied 23 hauh, Cungzcoj Si youq Bouqlaeuj Gozci Mboqraemxraeuj Byaraiz Ningzmingz guh Cungguck Yeznanz doxdax dinfwnghz vwnzva lijyouz gijgwn ndei. Hanghmoeg doxdax miz maeuzveh lijyouz vwnzan、daujyouz ganggej caeuq cizyez dinfwnghz daengj. Doxdax muzdziz dwg senhconz doigvangq gij vwnzva lijyouz swhyenz Cungzcoj daegbied haenx, vih canjnieb vwnzva lijyouz Cungzcoj hwngfat hoenghhwd dwk haeuj rengzhoengh moq.

(Maj Yungjsiengz/马永翔 Vuz Vanjmungh/吴婉梦 Couh Yenyingi/周艳影)